
“Солиқчи – тадбиркорга кўмакчи” тамойили – амалда: Ўзбекистон туман давлат солик инспекцияси бошлиғи Улуғбек Фозиловнинг ҳисоботи

“Солиқчи - кўмакчи” тамойили асосида амалга оширилаётган ишлар юзасидан Ўзбекистон туман давлат солик инспекцияси бошлиғи Фозилов Улуғбек Эгамбердиевичнинг ҲИСОБОТИ

Тадбиркорлик субъектларининг солик юкини камайтириш ва бизнес юритишни соддалаштириш мақсадида Президентимизнинг 2022 йил 28 июнданги ПФ-162-сон фармони билан солик маъмуриятчилигига қатор ўзгартиришлар киритилди.

Хусусан, **2022 йил 1 июлдан** фойдаланилмаётган кўчмас мулк обьектларига **таъсирчан солик механизмини қўллаш бекор қилинди**. Шунингдек, КҚС маъмуриятчилиги соддалаштириб, мажбурий равишда КҚС тўловчиси сифатида эътироф этиладиган тадбиркорлик субъектларига **КҚС гувоҳномаси** солик хавфи даражасига аниқлик киритилмасдан **автоматик равишда берилиш амалиёти йўлга қўйилмоқда**.

Бундан ташқари, юқоридаги фармон билан **2023 йил 1 марта қадар** ҳисобварақ-фактураларда ёки назорат-касса техникаси чекларида товарлар (хизматлар) идентификация кодлари (МХИК)ни нотўғри акс эттирганлик учун **молиявий жарима қўлланилмаслиги белгилаб қўйилди**.

Албатта, бу каби ўзгаришлар тадбиркорлар қўшимча имкониятлар яратади. Шу ўринда тадбиркорларни ҳар томонлама қўллаб-қувватлаш мақсадида “Солиқчи-кўмакчи” тамойили асосида Ўзбекистон туман ДСИ ходимлари томонидан амалга оширилаётган ишларга тўхталиб ўтмоқчиман.

Айни пайтда мунтазам равишда тадбиркорлар билан турли очиқ мулоқот ва учрашувлар ташкил этилмоқда, муаммолар ўрганилиб ижобий ҳал этиш чоралари кўрилмоқда. Шунингдек, тадбиркорлик фаолиятини амалга ошириш учун муҳим бўлган қатор йўналишларни белгилаб олган ҳолда амалий ёрдамлар кўрсатилмоқда.

Хусусан, 2022 йил 1-ярмида Ўзбекистон туман ДСИ томонидан **1061 та** тадбиркорлик субъектларини қийнаётган муаммолари ўрганилди. Мазкур жараён давомида кўмаклашиш зарур бўлиган **60 та** тадбиркорлик субъектларига дастлабки бухгалтериясини юритиш, қулай солик режимини танлаш, солик имтиёзлари ва уларни қўллаш тартибини тушунириш, ортиқча КҚС тўловларини қайтариш каби масалалар юзасидан амалий ёрдамлар кўрсатилди.

Биз, солик идоралари ходимлари тадбиркорга маслаҳатчи, кўмакчи ва яқин ҳамкор сифатида фаолиятимизни давом эттирамиз. Тадбиркорлар ўзларини қийнаётган масалалар юзасидан 90-912-27-88 (*Тадбиркорликни қўллаб-куватлаш шўъбаси*) рақами орқали мурожаат қилишлари мумкин.

2022-07-04 18:05:52